

畿輔通志卷二百四十八

列傳五十六 列女四 明三 河間 天津 正定

明

河間府

河間縣

寇璨妻董氏未婚璨故董欲歸養翁姑父母止之遂絕飲食

懣懣而卒寇禮迎而合葬焉

康熙志

柳大節妻魏氏未婚大節死及殯魏啟其父母曰今壻既殯

欲往送之父母許可比至觸棺而死鄉人哀之因合葬焉

同上

鄧節妻畢氏年饑攜家景州就食舅姑相繼亡節亦尋歿俱

藁葬景州畢時年二十三無子女獨歸里中忍飢凍晝夜紡

績積數年市地城北八里莊獨之景州負舅姑及夫骨還葬

明史歷數十年艱辛惕厲如一日年八十五忽覺身痛語族人

曰吾今得完所志矣遂不食入日而死

康熙志

賈允吉妻黃氏吉卒孀居備極艱苦

同上

教子太初成進士崇

正間建坊旌表

府志

賈太初女

康熙志

崇正壬午之變太初讀禮里門身殉城難女

年十三抗節不辱與父同死

李鍾儔節孝聞見錄

弟孝廉雒英痛念前

烈爲立石以紀之

馮賁徵賈烈女記

李道基妾陳氏基無子乃更娶杜與李始生子二基病廢家

日落其妻于氏聽讒言使三妾嫁陳與杜李並以死誓乃陰

謀刦娶粹拽陳入輿陳自破其面投出事方急基姊聞之叱

衆退乃免三妾食貧益共勵志崇正壬午郡城破基被殺杜

李被掠不知所終獨陳先投枯井中數日兵退基姪覓得之

救治復活時杜李所生子尙存陳勤紡績以撫養之族人皆

憫其窮高其節且服其義郡人孫際昌爲立傳

府志

楊如庭妻宗氏如庭家富而早亡宗能持之當明季歲大饑郡數遭兵有婦人十餘爲賊掠而逃棄者流入宗氏里宗皆收養之月餘使人裹糧還其家又爲食以救道殣其舉動慷慨有俠丈夫風

同上

柴時妻劉氏年二十七夫死子女俱無守節五十年卒

康熙志

于拭妻徐氏拭故徐年二十六守貞奉姑以孝聞訓子鍾讀

書舉鄉薦

劉泮妻迷氏年二十夫亡無子守節至六十餘歲卒

王紹妻郭氏年二十四紹故子培業甫六月守貞撫幼以終培業廬墓哀毀過節以死詳見孝義

李重耀妻于氏嫁三載夫病侍疾廢寢食者七月卒不起乃

忍死以事翁姑立嗣以延似續又禮嫁其夫妹俱同上邑令牛

象坤旌之

縣志

李重華妻朱氏守節艱苦被旌

康熙志

戚通妻祁氏年二十七夫死家貧勵節撫周歲子守恩

康熙志作

守恩及長中正德庚辰武進士祁年七十五歲卒

縣志

吳殿妻劉氏自二十二歲守節撫三歲遺孤貧苦萬狀終無

怨尤壽八十一卒

康熙志

李文植妻林氏年二十六守節食貧茹苦撫成幼子年七十

餘卒

同上

薛尙智妻修氏與林同時以撫嗣守節

縣志

韓一經妻鄧氏經故無子姑嫜居失明織紡爲業事親撫孤

三十四年後嗣子介入邑庠知縣張汝蘊旌之

康熙志

葛署妻孫氏早寡無子貧居紡績獨守五十年八十歲卒

王問策妻閻氏年十九策故守節五十餘載卒

俱同上

御史王

象恒題請建坊旌表

縣志

鄧昆

同上府志雍正志昆皆作晁

妻楊氏以二十歲守節貧苦不移八十

四卒

康熙志

薛自道妻郭氏道故郭年十九戚屬無依紉針自給伶仃孤苦以終其身

劉鴻儒母趙氏二十二歲守節教儒成名趙年七十鴻儒復故哀痛嬰疾亦尋卒

王廷耀妻張氏耀故張矢節教子讀書入庠

白一仕妻王氏仕故慟哭七日不食毀顏深居以節終

俱同上

趙時卿妻傅氏年二十二而寡教二子成名

府志

劉緯妻祝氏年十九緯亡守遺孤及娶又死長孫亦死次孫

三齡賴祝存撫以延宗祧

康熙志

張躍妻陳氏守節終身甘心艱苦

李庭繼室靳氏庭老無子娶靳生一子名晚成甫八月庭棄

世族人利其產妒害百端靳辛劬保護其家得全以節壽終

傅應吉妻左氏二十一歲守節無嗣養奉孀姑紡織自給姑

死行乞諸親葬祭成禮

俱同上

李元

康熙雍正志同惟府縣志作李姓

妻尹氏有姿容村豪郭世美伺其夫

遠出夜潛犯之尹疾呼比鄰美懼而逃明日尹持刀趨世美

家自刎死

康熙志

當道仇之議世美獄斃事在萬曆十六年

縣志

白穎祚妻王氏早年無嗣繼子晉壬午城陷祚與晉俱死王

撫孫璞教養完節

康熙志

璞亦善事之見孝義

縣志

趙三聘妻程氏十九矢節事姑撫子厯四十年無懈

康熙志

孫

璧為霸州學正

縣志

王光輔妻樊氏夫卒撫孫有法歲壬午瀛城兵變與子宏基

毓基敏基俱殉難

康熙志

高鑑妻張氏鑑死事哀翁汝貞最孝崇正壬午難作汝貞被

殺張蓬首垢面負席持帚覓屍於野七日乃獲涕泣跽拜收

葬於本望邑人重之

同上

王光中妻楊氏楊墻女也以孝敬聞壬午城陷泣語夫曰城

破玉石俱焚妾甘一死以絕君念遂投井中

縣志

左紹蘇

府縣志同 雍正志無蘇字

妻馮氏夫亡撫孤自勵壬午之變前

數日遣幼子運遂之鄉避難馮獨居城及陷赴井死

縣志

自啟妻張氏年十八孀居守節四十六年卒

康熙志

陳通妻趙氏年二十六守節孀居三十三年壽六十卒

許俊妻陳氏年二十四夫死守節至八十二歲終俊子瑄故妻王氏守節七十四歲卒姑婦雙節有司旌之

蘇昇妻胡氏年二十九夫亡無子守節五十餘歲卒

李景隆妻周氏年十九守貞孝親熒子爲郡庠生以壽終

王熒妻袁氏熒故守節撫孤舜卿年十六娶婦劉氏彌月而舜卿亦卒劉誓守志養姑四十餘年不渝其志姑媳同德節

孝兩全

雷尙質妻黃氏年二十七質故無子女以姑老乃自存以代夫孝養歷三十餘年撫按題請建坊

提兆吉妻紀氏秉性貞潔動必循禮壬午城陷預投井死

樊良妻董氏年二十五良故誓死撫孤至六十三歲卒

朱偉妻李氏早寡守節四十餘年子尙質登乙未進士

孫自強妻溫氏子永年亦娶於溫兩世皆少寡同節被旌

樊資妻金氏早寡獨守一子方五歲終稱完節

蔣青妻金氏年十九守節清操皦然六十七歲卒

張鉞妻楊氏年二十二夫故撫育幼子孝奉孀姑織紉度日

守節四十餘年卒

許雲程妻樊氏年二十夫亡以翁逾七旬而身復懷孕未忍

從殉彌月舉子名繼祖無何翁死治喪成禮迨教子學成入

泮完婚樊曰吾所以隱忍存活二十年望汝克家也今旣遂

願可告汝父於地下矣遂絕飲食繼祖號泣哀勸竟不聽積

十日端坐而逝

白棟妻榮氏夫家素貧榮以紡績佐之孀姑失明敬事無缺及棟歿榮二十七歲矢死靡他苦守五十年卒被旌表

俱同上

黃真妻朱氏生子鍾數月而真亡朱年二十二奉姑以孝聞

訓鍾讀書登宣德己酉鄉薦

康熙志府志案此條縣志未載

謹案縣志載有孫灝女此條已采入天津府靜海縣河間府新志雖亦收錄然註明後居靜海故又稱靜海人卽其守貞不字以終亦在靜海也此固未應復出特附志之

獻縣

李達妻張氏年二十六達死撫孤子殯舅姑守節三十五年

正統間有司奏旌其門

康熙志

郭朋妻劉氏宏治五年朋故家甚貧惟勤織以養姑知縣杜翊島璞咸嘉其節孝月給粟米周之守節四十餘年卒

五節者邱希嶽妻陳氏弟希嵩妻劉氏希華妻李氏陳氏之

妹四姐及弟璵妻呂氏皆單橋人正德中流賊犯獻境所至

驅掠婦女五人被驅相誓全節至滹沱河橋聯袂投水死知

縣杜珣奏旌其間

俱同上

初橋作於單氏故曰單至是易名曰

五節

縣志

陳石麟單橋五節詩遺烈何年事長橋我復過

名傳少婦纓冤愧偏多千羣飲馬日五女駕鯨時碧水沈

香骨黃沙印畫眉殘碑風雨蝕青冢古今悲他日編明史誰

傳五節奇高鑑女二姐聘邱氏未娶爲流賊所掠道經邱氏園乃給賊

曰此有一女甚美吾爲汝誘之賊信之女入園縊樹下

康熙志

孫佐妻翟氏有鬻布者宿其家明日誣訟其夫盜布官逼成

獄夫曰我良民今有盜名何以生欲自殺翟曰爾死則子女

誰育不若我死以白君寃明日赴縣訴至北橋遂自刎縣令

廉得真情寃乃白而罪誣者訓導程鑑書其事於石府志

呂燿妻唐氏年二十六燿卒家貧事親教子守節六十三年

終知縣張汝蘊請旌表

康熙志案縣志燿為主事乃朝官以唐氏未受封故得旌

李得揚妻胡氏夫以賈於臨清盜刦殞命胡號痛絕死時年二十三子堯琴方周歲守貞教養至孫正華以選拔仕登知府曾孫並以文武起家人謂苦節之報

盧九成

縣志同府志作成九誤

妻王氏年二十五夫故姑衰老子三齡

慟不能食者五日乃垢面敝衣以俟親終子立顛頓五十餘年卒邑令徐鏞請旌之

劉子謙妻黃氏年二十夫故息弱族多强悍實苦凌逼氏執節不屈者五十餘年知縣石維屏請於上旌之

呂種妻牛氏年二十一寡性貞淑能甘貧教子若孫皆有成

年逾九旬卒知縣劉重慶請旌

林涑妻韓氏年二十六夫亡奉親鞠子五十餘年里巷稱焉

與牛氏同時被旌

俱同上

李士經妻王氏年十六歸李二十四而寡撫子應先長亦死王子然獨處守志年八十五卒萬厯三十九年巡按御史

湯兆京奏旌其門

縣志府志康熙志

李士經妻王氏年二十夫亡子幼矢志苦節紡績以事舅姑撫弱息始終如一比二親歿典衣置葬哀毀循禮壽至七十

餘卒知縣劉重慶請旌

府志康熙志

謹案此條姓名皆與上同惟年歲事蹟少異縣志只載前條府志及康熙雍正志皆兩見中隔數人今特連次之以

便參考

曹宏功妻王氏早寡家貧王善刺繡易旨甘以奉舅姑兼供

子館穀得爲諸生歷節三十五年卒天啟四年旌府志

韓克儉妻李氏夫亡自縊救解得甦刻苦守節養親教子孫

枝競秀壽登八表康熙志 崇正元年旌縣志

高年妻陳氏年早亡陳事姑孝教子嚴三子夢箕夢尾夢軫

俱有令名崇正戊寅邑中大驚城危甚時長子出仕陳命次

子傾囊犒士及城陷夢尾死陳自經年六十三康熙志

高夢軫妻劉氏年十四適軫未幾軫病卒姑陳氏慮其少孀

無子劉乃毀容剪髮撫姪爲嗣歷四十餘年稱爲完節

張起田妻牛氏少孀無子孝事翁姑邑人舉其節

韓謂性妻王氏年二十九守節四十三年孝慈兼至俱同上

樊某妻戚氏崇正戊寅兵至戚與兩媳兩孫女同時自縊一

門五烈府志無傳縣令吳龍見采而誌之

縣志

彭開宗妻陳氏戊寅城破開宗殉難陳聞大慟覆四歲子於甕下遂自刎未斷復自縊乃死夫弟毓宗館於鄉聞變乘亂兵入至家無人惟嫂屍僵繫牖上隱聞兒聲自甕下出啟視兄子也懷之以免

鄭永錫妻盧氏崇正戊寅城陷永錫死於兵盧聞痛哭投井死年二十有六

高醕妻王氏二十八歲守節至八十七歲卒

俱同上

魯應中妻林氏

獻縣新志林氏列祀於祠而府縣舊志均不載姑存以俟考

謹案縣志載有提兆吉妻紀氏且按云紀獻人已祀於獻祠其夫家居郡故府志列之河間今特從府志改歸夫籍

阜城縣

陸璠妻丁氏正統四年璠死丁年二十五專事紡績奉舅姑

以孝名守節五十餘年有司旌之

康熙志

宗禮妻李氏生一子禮死家甚貧躬勤紡織孝舅姑守節至五十八歲卒有司奏請旌表

錢鉦妻唐氏鉦死孝養舅姑教子瀾登鄉進士任工部司務歷仕知府宏治十八年請旌

熊信妻金氏年二十信死止一女依夫伯母唐氏度日家貧攻織以養教女甚嚴或勸以孤女宜愛金曰吾嘗受母教爲女能服勞後事翁姑庶盡婦道守節四十年卒被旌表

張鴻妻盧氏鴻病篤鴻母亟娶之盧過門月餘鴻故盧年十九猶室女也姑泣欲嫁之盧以死誓而家貧親老惟織紉以爲養姑死出所蓄餘布以備棺殮又獨守四十餘年卒

俱同上

曹端女春桃正德庚午遇流賊變

李鍾僑節孝聞見錄

卽投水賊急援

之迫令更衣女怒罵賊忿剉殺之時年十五

大清一統志賊旣悔

曰此等貞烈女子我奈何殺之可惜時七月十三日也

劉良卿曹

烈女祠記嘉靖十三年知縣劉良卿立祠祀之

嚴曹烈女詩流水

桃花何處尋弓高城外樹陰森劍痕已雪春風恨潭影空澄
皎月心墜馬一軍皆露刃啼鴉千古動哀吟香魂便與梅爭
烈任是冰霜未敢侵涂應簧詩春色難留促去鞭天葩原
不受人憐拌教冷雨愁蝴蝶還勝秋風泣杜鵑流水孤村芳
冢在夕陽古木亂藤纏至今祠
上登臨客論史猶懷正德年

伊汝儼妻倪氏年十五適儼

康熙志

嘉靖辛酉汝儼卒

節孝聞見錄

每一慟二三日不止嘔血塊積寸餘竟不食死

府志

有司旌之

與曹烈女春桃同祀立祠南郭題曰雙烈

鞏邦固隆慶雙烈祠碎記

鄭續繼妻白氏年十九夫亡撫前子杠安貧力織其伯受富

室賄欲逼嫁之誓死以卻杠長游庠亦早死撫孫本復入學